

古尊宿語錄卷第四十五

士九

僧錄司右闡教兼鍾山靈谷禪寺住持淨戒重校

真淨禪師語

上堂今朝欲入室侍者報言參提鍾并擊鼓
分明為指南非但鍾鳴鼓響飛禽走獸草木
叢林森羅萬象昨日仁上人設齋一一為諸

士九

人徹困還有知恩報恩者麼老僧亦在其間
良久云欲知端的意盡在不言中下座

上堂今朝二月二十五金銀琉璃握成土禪
家如意自在心妙用縱橫無不是彼此男兒
大丈夫勸君莫咬他人語 上堂三月本
不生二月何曾滅不滅與不生人心自分別

永樂北藏

古尊宿語錄

分別既不生一切皆寂滅山河大地不可不
寂滅如今一一現前不可不寂滅大眾還入
此境界麼即今又總在何處喝一喝下座
上堂今朝三月初五天地不晴久雨雲門割
意分明衲僧如何伸吐驀拈拄杖云雲門大
師來也剗久雨不晴臨時變化不涉途程遂
擲下云切忌隨他拄杖子去下座 上堂
今日三月十朝衲僧知見雄豪步步直須有
主擬議打折驢腰 上堂先上座煮栗黃
粥供養禪衆喫了總飽餉地掛起鉢盂知
恩方解報恩三十年後不得辜負趙州老直
饒當下見得個儻分明不隨古人言語所轉

第一九八冊

各證無生法忍得大解脫須知三年一閏九月重陽是何宗旨喝一喝下座 上堂今朝九月初五佛法未嘗間阻開單心印發光何況上來下去大眾了然生死不相干快樂共住喝一喝下座 上堂今朝九月初十納僧門風壁立不是宗乘強為欲破禪家法執遂拈拄杖云若喚作拄杖子翳汝眼睛不喚作拄杖子避色逃聲乃擲下云還我師子兒來喝一喝下座 上堂今朝九月十五月色十分顯露人心終有是非便被浮雲點污喝一喝下座 上堂今朝九月二十大道本無拘執放開把住自由還要人人悟入

喝一喝下座 因施主上堂佛以一音演說法眾生隨類各得解僧俗男女平等心一皆同證法界 上堂今朝十月初十滴水滴凍禪眾上來長老說夢忽然夢裏覺來顯發人人佛之妙用乃垂一足云不是佛之妙用又喝一喝云不是佛之妙用大眾上來二九下去不是佛之妙用復召云大眾分明是夢師一日到法座前乃提起數珠復顧視云大眾數珠一百八便歸方丈 上堂茲日夏首眾僧結制之辰泐潭山比丘克文與清淨大眾踞菩薩乘修寂滅行以大圓覺為我伽藍身心安居平等本際涅槃自性無繫屬故

今我敬請不依聲聞當與十方如來及大菩薩三月安居爲修菩薩無上妙覺大因緣故離諸垢染清淨梵行若能如是所謂如蓮華不著水心清淨超於彼上堂清大師則上人數年在浙中緣化石覓供具等比者迴山不勝欣喜然於道人分上一切所作而無作意既無作意則是無切用大解脫法門所謂無爲而無所不爲信手拈來不勞心力種種聖像種種經卷種種莊嚴種種供具種種佛事焉拈拄杖云總在拄杖頭上東涌西沒南涌北沒撒開也堂上庫下佛殿僧堂及諸寮舍種種莊嚴種種清淨法喜禪悅遂擲下

云撲亦撲不破蕩亦蕩不散來無所從去無所至無成無壞東海鯉魚打一棒雨似盆傾若信不及華嚴世界所有塵一一塵中現法界寶光化佛如雲集此是如來刹自在却還清公大師伏惟珍重上堂今朝四月二十五爲報禪家莫莽鹵渌水青山在目前一十九分明佛淨土擬心早不淨了也不擬心又作麼生歸堂喫茶上堂倏忽又是五月時節交參總別同異成壞重重一一融通皎潔焉拈拄杖云一切時分總在拄杖頭上不見有一塵一衆生不成佛者且道泐潭山一衆有不成佛者也無乃擲下云是成是壞喝

一喝下座 上堂今朝五月復端午隨衆生心解分布搜子雖然應所知要須一一知來處且道從什麼處來薦拈拄杖云若知拄杖子來處即知一切法來處所以道隨衆生心應所知量循業發現只如大衆從甚麼處發現一一分明在目前若知發現不妨奇特若也不知何名出家遂擲下云只者末後一著也大難會喝一喝下座 上堂今朝五月半為衆決定新普請共成佛不須恠老漢下座 出外峰上堂古人所謂有物流動人之常情情若不生則老僧出入動靜無去來之作自然人事周徧又何妨遊戲神通藏

法喜禪悅樂則與大衆同住如來寂滅海究竟覺喝一喝下座 上堂今朝六月又初一為報諸人莫自屈日用無非大智門摩訶般若波羅密 上堂般若靈智接二親而歸佛國沙門誠信設一飯以飽禪僧因緣既在功德何窮薦拈拄杖云所謂靈源明皎潔枝派間流注乃擲下云參同不二心歸堂喫茶去喝一喝下座 上堂今朝六月二十却歎時光催急看看解夏到來拂拭拄杖與笠無非妙用神通盡是心心證入不須向外馳求拋却自家城邑 上堂今朝又是七月一夏去秋來自相失各悟自己性無生人人

當下成佛訖大衆莫道我不受者惡水潑如
今業林多作此解 上堂舉古德問僧云

是什麼聲云蛇咬蝦蟇聲德云將謂衆生苦
更有苦衆生又有古德問僧曰是什麼聲曰
雨滴芭蕉聲德云莫謗如來正法輪師云有
一轉語可以安邦定國主聖臣賢有一轉語

十九

國清才子貴家富小兒嬌若是辨得出許你
於十字路頭不畜一粒米不種一莖菜接待
往來真善知識若辨不出炙脂帽子鶻臭布
衫且與麼東過西過喝一喝下座 上堂
但以禪門了却心頭入無生知見力薦拈拄
杖云不是無生壑著你鼻孔東海鯉魚打一

永樂北藏

古尊宿語錄

棒雨似盆傾不是知見誰不明了誰不見足
阿誰無分不是頓入關老子呵呵大笑云泐
潭山裏一衆若於者裏薦得去盡作雲門烜
赫兒孫若薦不得總屬閻羅老子所管遂擲
下拄杖下座 上堂昨日有人從袁州來
却得洪州信說道長安米價高福建路荔枝
熟前三三後三三泐潭山裏五日一參下座
上堂今朝又是九月一暑往寒來春復秋須
信人人一段事不同時節逐遷流既是人人
一段事為什麼有信者有不信者不見世尊
云一雨所潤三草二木 上堂舉古人云
如珠在盤不撥而自轉只如大衆開單展鉢

第一九八冊

拈起把筯一切時中所作所為又何假人撥而後轉乃至雲門糊餅趙州栢樹德山捧臨濟喝又何假人撥而後應自是諸人不悟後錯會又干他糊餅栢樹捧喝甚麼事豈不見六祖大師云汝當一念自知非自己靈光常顯現

上堂舉雲門大師云盡大地是

十九

五

個解脫門枉作佛法會却何不見山是山見水是水師云大小雲門錯下名言好與三十棒如今既不喚作山不喚作水又喚作什麼若有明眼衲僧辨得出三十棒却還泐潭若辨不出三十棒分付闍黎喝一喝下座上堂舉祖師云正說知見時知見即是心當

心即知見知見即如今師云若道是教外別傳又說道即如今況此一心知見為復是諸人即令一心知見為復是諸佛知見若道是諸人即令一心知見有底又不肯說心說性若道是諸佛知見又有何差別試為泐潭定當看若定當不出虛消息施

上堂今朝

十一月節候又嚴寒候忽光陰過死生君自看是日已過命亦隨滅如少水魚斯有何樂須知人人赤肉團上有一物能隨萬事變不逐四時凋且道是什麼喝一喝下座上堂舉僧問雲門如何是學人自己門云遊山說水師云且道雲門答這僧不答這僧莫

謗雲門好若道不答這僧什麼處是不答虜
衆中多是師承學解承言者喪縱不在文字
語言上又打在無事裏所謂滯句者迷若識
得雲門大師即識得自己可謂不見一法即
如來方得名為觀自在 上堂祖師西來
教外別傳所謂如牛駕車車若不行打車即
是打牛即是大衆人各有一頭水牯牛駕個
車子即是毛色有異心相不同有赤者白者
青者黃者黑者如今莫待下痛鞭各自拽個
車子歸堂喫茶去下座 元旦日上堂問
話畢師云一問一答皆是當人各各神通光
明清淨妙心一一從自己運將出來烜赫現

前自是衆生迷情不覺不知改旦新元伏惟
知事首座大衆尊候萬福良久云昨日今朝
事不同人人依舊主人翁雖然平等添新歲
夢覺元來總是空是空却不空二十空門元
不著一性如來牀共同喝一喝下座
供養羅漢上堂三界唯心萬法唯識未有
法不從心之所生心若滅也一切法滅所以
過去心不可得未來心不可得見在心不可
得三際既不有一心何所生大衆但盡浮想
盡證阿羅漢浮想不盡總屬流浪生死喝一
喝下座 上堂古人云仁者見之謂之仁
智者見之謂之智雲門云一切智通無障礙

拈起扇子云釋迦老子來也又拈起扇子云
跣跳上三十三天築著帝釋鼻孔東海鯉魚
打一棒兩似盆傾好一切智智清淨無二無
二分無別無斷故佛手閒脚步東西生緣
別處喝一喝下座 上堂今日供養羅漢
夜來四方高人諷誦妙法蓮華經安樂行品

一遍大眾作麼生是安樂行擬心早不安樂
了也乃喝一喝云豈不是安樂行如何是透
法身北斗裏藏身豈不是安樂行如何是祖
師西來意遮前栢樹子豈不是安樂行如何
是起佛越祖之談糊餅豈不是安樂行以至
僧俗大眾一一清淨光明住持豈不是安樂

行乃至一佛二菩薩一一羅漢一一辟支佛
無不清淨實相住持所謂安樂行也大衆唯
有髻中寶珠不妄與之雖然不與亦人人具
足十二時中光明烜赫阿誰欠少還會麼歸
堂喫茶去喝一喝下座 上堂衲僧門下
有賓有主有時賓也和其光同其塵四五百

十九

條花柳巷二三千處管絃樓有時主也奪賊
馬然乎賊披毛戴角入鄆來優鉢羅花火裏
開大眾只如賓主未分時如何今朝三月十
五 章江長老來上堂舉僧問雲門如何
是諸佛出身處門云東山水上行泐潭即不
然若有人問如何是諸佛出身處但向伊道

遠離洪井深入寶山大衆且道是同是別忽
有個衲僧出來云這裏是什麼所在說同說
別也難得須是實到這田地始得若未到且
不得草草 上堂舉僧問雲門如何是學
人自己門云遊山翫水而今多作自己會承
言者喪既不作自己會又作麼生會滯句者
迷德山入門便棒其僧擬議山云不得作棒
會既不作棒會又作麼生會臨濟一喝不作
喝用既是一喝何故不作一喝用宗旨如何
其宗旨者諸佛諸祖教外別傳不屬文字言
句其文字言句是心外戲論之法既不屬戲
論直須自悟若自悟也事同一家苟不然者

彼我途轍喝一喝下座 上堂今朝四月
二十五栽秧漸漸徧南畝半飢半飽淡飯羹
泥裏兩裏可憐許惟有高僧總不知各自歸
堂喫茶去 上堂衲僧門下有春有冬有
秋有夏有陰有陽有晝有夜天地蓋載日月
運行成就四時長養萬物善知識者觀機設
教應病與藥成就衆生種種方便亦復如是
然則無智人前莫說打你頭破額裂
上堂釋迦老子道一切衆生生死相續皆由
不知常住真心性淨明妙用諸妄想此想不
真故有輪轉大衆要得生死不相續妄想心
滅但直下識取自己常住真心性淨明妙則

自然生死不相關共生慶快所謂一得永得
若信不及不聽受則沉在業識無明海喝一
喝下座 供養羅漢上堂大眾一切法即
諸佛法一切心即諸佛心一切語即諸佛語
一切道即羅漢道法也心也語也道也且道
是一也是二也是同別也二白一有一亦莫

士九

八

守一心不生萬法無咎 上堂二月復三
月一一應時節柳絲弄春風梨花白如雪門
門法界門法法離言說驀拈拄杖云欲知交
參屢杖頭諸佛刹乃擲下云不妨拋來擲去
總在諸人眼睛裏 上堂今朝三月初五
普天之下好雨非但百姓歌謠老僧不勝手

舞何也豈不見乾闥婆王奏樂迦葉起舞直
得須彌岌業海水騰波驀拈拄杖云大眾一
波絳動衆波隨萬法皆從一法歸衲子大家
同會取七顛八倒總光輝擲下拄杖下座
上堂今朝又是三月半離念身心登彼岸泯
其所以歸自然兩個五百作一貫喝一喝下
座 上堂舉世尊問波斯匿王曰汝以何
相觀佛王曰觀身實相觀佛亦然觀佛寔相
觀法亦然法界衆生界根根塵塵一切清淨
大眾欲識如來大寂滅汝但盡攀緣喝一喝
下座 閉馬祖塔上堂祖宗門下總有閑
梭子應接物有閒有閑苟開而不能閉喪

家失計開而不能開誰辨往來或開而能開
也不妨遊戲閉而能開也重重善財或不開
不閉時又作麼生大衆僧堂裏隨例軟餅餤
頭橫咬豎咬喝一喝下座上堂心生種種法
生心滅種種法滅喚什麼作釋迦老子蕎拈
起拄杖云假名三十二八十也空聲一切人
間總強名卓拄杖下座 上堂云天心得
自在盛熱後清涼衲僧如薦得珍重法中王
喝一喝下座 上堂佛言捨家出家難學
道見性難元來捨家出家難學道見性復難
如今學道者如恒河沙見性者未有一二佛
又言性成無上道永嘉云自性天真佛雲門

云如今謬方多是說心說性教裏少哩師云
雲門又不許說心說性佛言性成無上道且
道佛說底是雲門說底是大衆差之毫釐失
之千里 上堂知事首座大衆出入相拋
歸來依舊南山對北山忙者自忙閑者閑閑
忙彼此不相關依舊水雲間 上堂舉僧
問雲門如何是佛法大意門云春來草自青
又僧問首山如何是佛法大意山云楚王城
畔汝水東流忽有人問泐潭如何是佛法大
意向伊道久雨不晴此三轉語有一轉語可
以作諸佛之法藥治一切衆生病有一轉語
可以作諸祖之秘關菩薩直截之要道有一

轉語可以作衲僧解脫大道場是禪者放身
命處大眾若擇得出如久客歸家若擇不出
若行人失路喝一喝下座 上堂諸佛如
來說一切眾生身中有三大何者為三身大
相大用大又古德云十方無壁落四面亦無
門露髑髏赤灑灑沒可把既沒可把與什麼
作三大莫有人擇得出麼若擇得出才如好
手若擇不出眾生日用而不知喝一喝下座
上堂大眾好兩點點不落別處且道落在什
麼處莫是落在法堂前麼莫是落在田野中
麼莫是落在山林間若是通達底人神通妙
用無可不可有一般人更不求妙悟但作平

常一路實頭見解又與做不走作人此之見
解未出常流若妙悟明眼底人他一一知來
處一一知落處更不顛預大眾且道落在什
麼處久參先德一舉便了後進初機更宜子
細 因雪上堂舉龐居士辭藥山因緣師
云全禪客當斷不斷返遭其亂且道全禪客
當時合下得什麼語免被龐公折挫如今莫
有扶持佛事者麼出來開發大眾眼目亦表
自己參學身心如無老僧為你說破今日臘
月初十山門街坊可者入寮打疊忽有人問
諸丐者已在寮中時又作麼生良久乃喝云
相逢不下馬各自有前程 上堂今朝又

是三月一大道何曾有得失。搥花處。露靈雲。心却笑玄沙弄不出。只這弄不出。罕遇知音。上堂。今朝七月初一。時節循環。夏又畢。衲僧活計。拄杖頭去。号住号無。因必去住自由。且道祖意是同是別。只如古人云。雞寒上樹。鴨寒下水。意旨如何。喝一喝。下座。上堂。

雲門云。久雨不晴。割大眾。且道雲門一割。與德山棒。臨濟喝。是同是別。若道別。祖宗門下。豈有兩般。若道同。爭奈德山臨濟。雲門家風。有異。衲僧到這裏。如何割判。若判判得出。可謂無邊剎境。自他不隔於毫端。十世古今。始終不離於一剎。今朝二月二十五。各自歸堂。

喫茶去

上堂。舉印宗法師問。盧行者云。

仁者在黃梅。有何言教。旨趣傳授。盧曰。彼指授者。唯論見性成佛。不說禪定解脫。無念無為。宗云。何故不說禪定解脫。無念無為。盧曰。況是二法。皆是佛法。不二之法。宗云。如何是不二之法。盧曰。如仁者講涅槃經。明見佛性。

十九

十一

是名佛法。不二之法。師云。彼時小巧。禪道早。是中半了也。如今叢林。多是唯論禪定解脫。無念無為。且道六祖底。是如今底。是分即是不分。即是若分。去有遠。有順。有是有非。若不。分又不辨。邪正埋沒。我宗乘。譬如世間道路。有直有迂。有險有善。其行路者。可行即行。可。

止即止大衆還識泐潭老僧麼良久云將此
深心奉塵刹是則名為報佛恩喝一喝下座
師首座時在仰山結夏小參云莫有真師子
兒試出來對衆哮吼看時有僧出禮拜師云
不知是不是是即也大奇僧問鍾聲纔動大
衆雲臻禁足已臨如何指示師云大家在這
裏進云莫便是和尚為人處也無師云多是
向言句中轉却進云一堂風冷淡千古意分
明師云且莫亂道僧問承古有言衆生日用
而不知未審不知個什麼師云道進云忽然
知後如何師云十萬八千僧提起坐具云爭
奈者個何師便喝僧云好一喝未有斷在師

云時且待別時 復云更有問語者麼
良久云洎合放過乃喝復舉拂子云耶耶盡
十方世界若凡若聖若僧若俗若草若木盡
向拂子下成佛作祖無前無後一時解脫還
有不解脫者麼設有命若懸絲又撫掌云知
音者少所以此個事論實不論虛參須實參
悟須實悟若纖毫不盡總落魔界豈不見古
人道平地上死人無數過得荆棘林是好手
如今人多的是得個身心寂滅前後際斷一念
萬年去休去歇去似古廟裏香炷去冷湫湫
地去便為究竟殊不知却被此勝妙境界障
蔽自己正知見不能現前神通光明不得發

露或有執個一切平常心是道以為極則天
是天地是地山是山水是水僧是僧俗是俗
大盡三十日小盡二十九此依草附木不知
不覺一向迷將去忽然問他我手何似佛手
便道是和尚手我脚何似驢脚便道是和尚
脚人人盡有生緣處那個是上座生緣處便
道某是某州人是何言歟且莫錯會好凡百
施為須要平常一路子以為穩當定將去合
將去更不敢別移一步怕墮坑落塹長時一
似雙盲底人行路一條拄杖子寸步拋不得
緊把著憑將去步步依倚一日若道眼豁開
頓覺前非拋却杖子撒開兩手十方蕩蕩七

縱八橫東西南北無不可豈可一向倚他
門戶傍他行脚有甚快活自己畢竟如何不
見雲門大師道而今天下老和尚多是師承
學解路布葛藤印板上打來摸子裏脫出當
人若是明去何不一切臨時又不見臨濟大
師云我者裏是活祖師西來意把來使用立
處皆真他不說古又如何今又如何者語得
那語不得那裏是虛者裏是實你與我拈出
然毫許實底道理來看此蓋當人眼不開自
無見處一向承虛接響百般忌諱自纏自縛
直饒與麼說當下忽然見得個儻分明去也
是棺木裏睜眼如今還有無師智自然智不

與萬法為侶者烜赫底丈夫漢麟麟齧齧千
變萬化見我恁麼胡言漢語便好近前齧口
相拽下椅子擲向三門外喝散大眾豈不快
哉還有麼良久云若無且看老僧騎案山跳
入你諸人眼睛裏七顛八倒可佛罵祖去也
喝一喝下座

師到崇勝眾請小參僧問

未明心地印難過趙州關如何是趙州關師
云過進云莫便是和尚為人處也無師云你
作麼生會僧作一圓相師云且喜勿交涉進
云也不得墜良為賤師便喝復云更有問話
者麼良久無人出師云不因一事不長一智
說事亦不妨說理亦無礙為報學道人莫作

理事會阿呵呵欲求長須入水是非中聲色
裏放一個扶一起是何宗囉囉哩慕拈拄杖
畫一畫云適來許多葛藤向什麼處去也復
舉拄杖云拄杖子變作觀音菩薩以甘露水
灌入你諸人頂門裏還有眼開心悟神清氣
爽底麼乃喝云莫妄想活活落落須彌山把便
撲擲下拄杖云耶耶三十三天不知不覺帝
釋居善法堂為諸天說法勸喻云汝等諸仙
盜是閻浮提歸依佛歸依法歸依僧不殺不
盜不邪淫不妄語不飲酒不食肉布施持戒
廣作善業來生此間受種種勝妙快樂汝等
諸仙不得一向迷於妙樂須知無常念念不

停念念遷謝速疾速疾便是到來相將墜隨
汝等當求不來不去不生不滅究竟解脫清
淨涅槃之樂師乃嘔嘔今日為衆竭力禍出
私門笑破衲僧口然雖如是也不得草草乃
撫膝下座師到九峯山衆請小參僧問
古人道前三三後三三前三三即不問如何
是後三三師云的進云恁麼進前三步也師
云闍進云大衆證明真善知識師云杜撰初
僧師云大衆此事若全提也便須荒却院散
却衆奉倒須彌山踏翻四大海三世諸佛諸
佛祖師天下老和尚十二分教填其溝壑其
凝雖然如此盡法無民且向世諦流布建化

門中即不可乃拈拂子云三世諸佛諸大祖
師天下老和尚十二分教總在拂子頭上分
開也懷州牛喫禾益州馬腹脹天下覓醫人
灸猪左膊上以拂子左邊敲云太虛為鼓須
弥作起遂喝云鼗鼗開市裏識取天子將錯
就錯以拂子右邊敲云大地作床長天為幕
蹶倒打睡百草頭上薦取祖師病鳥拙十噫
九年空面壁撫掌不回頭笑煞傍觀如今莫
有傍觀底麼良久乃喝云泊合停因長智又
舉拂子云穿却你鼻孔却向脚跟下走出東
西南北土曠人稀天上天下唯我獨尊阿喇
喇遂擲下拂子云是什麼下座師問僧

了也未云未了師云你突粥了也未云了師云又道未了後云門外甚麼声云兩声師云又道未了後云面前是甚麼云屏風師云又適未了後云還會麼云不會師云聰取一頌隨緣事事了日用何欠少一切但尋常自然不顛倒師到大愚衆請小參師云二三

月來天氣和暖萬物生長百鳥和鳴桃花紅李花白到處園林翠連野色誰家年少賞勝踏青唯有古寺老僧坐對連栢遂以拂子敲禪床云敲枷打鎖出釘拔楔大有癡頑怕吞熱鉄醍醐上味候伊時節趙州石橋徧途守徹百丈野狐爲君一決狐疑淨盡眼光電掣

南北東西有誰辨別還有辨別底麼試出來撫掌呵呵大笑打個筋斗供養大眾一著麼快平生二與天下人作標榜有麼有麼祇爲情生智隔想變殊殊我者裏不免拆東籬補西壁去也以拂子盡云十方世界百雜碎何處更有山河大地耶看看四大海水在諸人面前滔滔地氣象萬端魚龍變化還見麼見則不無忽然有個巡海夜叉出來道禪和子如何是脫生死底句向他道什麼即得若不向他道被他一舌撻棒打煞饒魚鼈喫當此之際以何爲身以何爲心以何爲人以何爲我以何爲佛以何爲祖以何爲禪以何爲道

會麼良久云五更優平起更有夜行人乃拂
子繫衲床下座

偈頌 僧請問三聖問雪峯云透網金鱗
以何為食峯云待你透出網來即向你道聖
云一千五百人善知識話頭也不識師以頌
示之 潦倒漁翁坐釣臺金鱗赫赫鼓波

來海門空闊總施網霹靂一聲天地開
雪峯云老僧住持事大 放去收來得自
由不堪優處亦堪優可憐滯句承言者爭是
爭非空白頭 僧請問丹霞騎聖僧意旨
如何 千變萬化七朝八倒騎却聖僧倒
水潦釋迦起身比丘悟道若會此意寒來著

襖 僧請問雪峯斃鼻蛇因緣 打鼓

弄琵琶相逢一會家雲門能合調長慶解隨
那古曲非音律南山鼉鼻蛇何人知妙訣的
子是玄沙 僧問南臺圓和尚大隨龜話
圓以手翻覆示之其僧不肯乃質於師師以
頌釋之 少室之妙訣觀根而審付大隨

曾泄機南臺亦失護翻手與覆手脫履著龜
屢明明言外傳信何有今古擲金鍾鐃鉢鼓
水東流日西去 僧請問馬大師日面佛
月面佛 日面月面胡來漢現一點靈光
萬化千變 僧請益僧問雲門如何是正法
眼門云普 但無一切心自然合大道應用

在臨時莫分妙不妙

僧請問僧問雲門

如何是諸佛出身處門云東山水上行

日前有路誰解通方東山水上求者茫茫

諸佛出身處東山水上行目前一彈指徧現

煞分明日西月西過佛手驢脚呈皆承此個

力言外度迷情

僧曰衆中多以無事商

量師復成頌

多將無事會無事困人心

有無俱勿念自可剖靈音落落雖殊應寥寥

不在尋宜哉萬化首都抵屬于今 僧請

問僧問首山如何是佛法的大意山云楚

王城畔汝水東流 楚王城畔水東流樹

倒藤枯笑不休好是自從投子後更無人解

道油油

僧舉趙州遮前栢樹子話或云

有此語或云無此語師以頌決之 遮前

栢樹子趙州無此語若是本色人直下未相

許遮前栢樹子趙州有此語為報同道流觀

面如何舉 僧舉雲門北斗裏藏身

東涌西沒北斗藏身法王法令德非有隣

趙州勘破婆子

似狂不狂趙州老或凡

或聖人難曉是非長短任君裁老婆被伊勘

破了 婆子云好箇阿師又與麼去

臨岐有水復有火遇賤即貴全可可莖山一

路去無差幾個行人脫羈鎖 遮前栢樹子

遮前栢樹子我道不如松枯枝折落地打著

去年樓造化無私不思力一一青青歲寒色
長短大小在目前可笑時人會不得

頌黃龍和尚垂示佛手馭脚生緣 我手

何似佛手翻覆誰辨好醜若非師子之兒野

干謾為開口 我脚何似馭脚隱顯千差

萬錯欲開金剛眼睛看取目前善惡

十七

十七

人人盡有生緣處認著依前還失路長空雲

破日華開東西南北從君去 鳥窠和尚

吹布毛 鳥窠吹布毛 日午方高趙王

因好劍滿國人帶刀 僧問雲門如何是

啐啄之機門云響 有問啐啄機雲門答

云響昨日雷轟天夜來山水長 寶壽開

案三聖推出僧 探騎飛來棒下寧瞎人

翻滿鎮州城太平本是將軍致不許將軍見

太平 石火光中電影分怒雷隨震動乾

坤耳聾眼瞎人無數誰是知思解報恩

僧問風穴如何是佛穴云丈林山下竹根邊

丈林山下竹根邊水在深溪月在天良馬不

知何處去阿難依舊世尊前 靈雲見桃

花悟道 奇哉一見桃花後萬別千差更

不疑獨有玄沙言未徹子孫幾個是男兒

昔日靈雲見悟時香苞紅萼一枝枝如今到

處還開也陌上相逢說向誰 僧問趙州狗

子還有佛性也無州云無僧云上至諸佛下

至蟻蟻皆有佛性狗子為什麼無州云有業識在言有業識在誰云意不深海枯終見底人死不知心僧問雲門如何是吹毛劍門云豁誰謂吹毛利雲門豁可知一朝權在手看取令行時僧問龍牙古人得個什麼道理便休去歇去牙云如賊入空室買帽扣頭量才補職明眼衲僧面前不識僧問長沙了即業障本來空未了還須償宿債抵如二祖是了不了沙云空臨機無巧妙得意不勞功其如人不曾聞空便謂空僧問趙州一物不將來時如何州云放下著移高就下總威權解脫門開信可憐不得空

王真妙訣動隨声色被勾牽僧問雲門如何是超佛越祖之談門云餬餅超佛越祖之談觀面相呈誰領不知箭過新羅動地開爭餬餅雲門問袂子雲門問袂子消息少人知有時一撥動大地眼瞋瞋雲門抽顧雲門抽顧自有來由一點不到休休休臨濟三度問黃檗佛法大意三度被打黃檗更不著些些岐路年深恐轉賒直下痛施三頓棒夜來依舊宿芦花臨濟到大愚處悟便言黃檗無多法大丈夫兒豈目乖臨下兩拳明有信不從黃檗付將來僧問首山如何是佛法大意山云新婦騎驢

阮家牽 張顛不似首山顛不動毫芒百怪
全猶得黃龍再拈出四方明眼若為傳

新婦騎馱阿家牽低頭拈得一文錢十字街
頭拍手笑東村王老屋頭穿 雲門云火裏
蚬螭吞大虫 秦時轆轤鑽頭通大施門開
妙莫窮火裏蚬螭依舊活拈來誰解恣英雄

火裏蚬螭吞大虫去年不似今年窮直得黃
茅瘴氣發雪壓桃花處處紅 臨濟鋤茶園
次見黃檗來遂拄鋤頭而立檗云著漢因那
際云鋤也未鋤困個什麼檗以拄杖便打際
接住一送檗便倒叫云維那相救維那近前
扶云爭容得這風顛漢與麼無禮檗以拄杖

却打維那際乃連鋤地數下云諸方火葬這
裏一時活埋 奪旗掣鼓著精神父子雖親
法不親為報四方禪者道等閑莫作守株人
百丈再參馬祖 客情步步隨人轉有大威
光不能現突然一喝雙耳聾那吒眼開黃檗
面 興化打克賓維那 丈夫當斷不辭斷

去來

興化為人徹底漢已後從教眼自開棒了罰
錢趣出院 雲門臘月二十五 臘月二十
五一曲超今古鎮州大蘿蔔生長在深土
僧問雲門不起一念還有過也無門云須弥
山 不起一念海裏須弥把來使用休別針
錐 百丈野狐 不落藏鋒不昧分要伊從

此脫狐身相逢盡道休官去林下何曾見一
人

嘉

嘉

嘉

古尊宿語卷第四十五

七九

嘉

嘉

嘉